

ARTICLES

PARTICVLIERS

EXTRAITS DES GENERAUX,
que le Roy a accordez à ceux de la Reli-
gion pretenduë reformée : Lesquels sa
Majesté n'a voulu estre comprins esdits
Generaux, ny en l'Edict qui a esté fait &
dressé sur iceux, donné à Nantes au mois
d'Auril 1598. Et neantmoins a accordé
sadite Majesté, qu'ils seront entierement
accomplis & observez, tout ainsi que le
contenu audit Edict.



A P A R I S,

Par A. ESTIENE, Premier Imprimeur &
Libr. ordinaire du Roy, rue S. Iacques, au
College Royal, deuant S. Benoist.


M. DC. XLIV.

Avec Privilège de sa Majesté.

Handwritten text in a cursive script, likely a letter or document. The text is mostly illegible due to fading and bleed-through from the reverse side. It appears to be organized into several lines of prose.



Additional handwritten text at the bottom of the page, continuing the document. It is also mostly illegible due to fading and bleed-through.



ARTICLES PARTICVLIERS,
extraicts des Generaux, que le Roy a ac-
cordez à ceux de la Religion pretenduë refor-
mée: Lesquels sa Maiesté n'a voulu estre com-
pris esdits Generaux, ny en l'Edict qui a esté
fait & dressé sur iceux, donné à Nantes au
mois d'Auril dernier: & neantmoins a ac-
cordé sadite Maiesté, qu'ils seront entiere-
ment accomplis & observez, tout ainsi que le
contenu andit Edict. Et à ces fins seront re-
gistrez en ses Cours de Parlement, & ailleurs
où besoin sera; & toutes Declarations, Proui-
sions & Lettres necessaires en serot expedées.

ARTICLE PREMIER.



L'ARTICLE sixième dudit Edict,
touchant la liberté de conscience,
& permission à tous les subjects de
sa Majesté, de viure & demeurer
en ce Royaume, & Pais de son
obeïssance, aura lieu & sera ob-
servé selon la forme & teneur: Mesmes pour les
Ministres, Pedagogues, que tous autres qui
sont ou seront de ladite Religion; soient regni-
coles, ou autres, en se comportans au reste, selon
qu'il est porté par ledit Edict.

Ne pourront estre ceux de ladite Religion contrains de contribuer aux reparations & constructions des Eglises, Chapelles & Presbyteres, ny à l'achat des ornemens Sacerdotaux, luminaires, fontes de Cloches, Pain beny, droicts de Confrairies, loüages de maisons pour la demeure des Prestres & Religieux, & autres choses semblables, sinon qu'ils y fussent obligez par fondations, dotations, ou autres dispositions faites par eux, ou leurs autheurs & predecesseurs.

I I I.

Ne seront aussi contrains detendre & parer le deuant de leurs maisons aux iours de Festes ordonnez pour ce faire: mais seulement souffrir qu'il soit tendu & paré par l'autorité des Officiers des lieux, sans que ceux de ladite Religion contribuent aucune chose pour ce regard.

I V.

Ne seront pareillement tenus ceux de ladite Religion de recevoir exhortation, lors qu'ils seront malades ou proches de la mort, soit par condamnation de Iustice ou autrement, d'autres que de la mesme Religion; & pourront estre visitez & consolez de leurs Ministres, sans y estre troublez: & quant à ceux qui seront condamnez par Iustice, lesdits Ministres les pourront pareillemēt visiter & consoler, sans faire prieres en public, sinon es lieux où ledit exercice public leur est permis par ledit Edict.

V.

Sera loisible à ceux de ladite Religion de faire

5
l'exercice public d'icelle à Pimpoul : Et pour
Dieppe au Faux-bourg du Paulet , & seront les-
dits lieux de Pimpoul & du Paulet ordonnez pour
lieux de Bailliages. Quant à Sancerre, fera ledit
exercice continué, comme il est à present, sauf à
l'establir dans ladite ville, faisant apparoir par les
habitans du consentement du Seigneur du lieu, à
quoy leur sera pourueu par les Commissaires que
sa Majesté deputera pour l'exécution del'Edict.
Sera aussi ledit exercice libre & public, restably
dans la Ville de Montagnac en Languedoc.

V I.

Sur l'article faisant mention des Bailliages, a esté
declaré & accordé ce qui s'ensuit. Premièrement,
pour l'establissement de l'exercice de ladite Reli-
gion, és deux lieux accordez en chacun Bailliage,
Seneschaussée & Gouuernement, Ceux de ladite
Religion nōmeront deux Villes, és Faux-bourgs
desquelles ledit exercice sera estably par les Cō-
missaires que sa Majesté deputera pour l'executiō
del'Edict: Et où il ne seroit iugé à propos par eux,
nommeront ceux de ladite Religion deux ou trois
Bourgs ou Villages proches desdites Villes, &
pour chacunes d'icelles, dont lesdits Commissai-
res en choisirōt l'vn: Et si par hostilité, contagion
ou autre legitime empeschement, il ne peut estre
cōtinué esdits lieux, leur en seront baillez d'autres
pour le temps que durera ledit empeschemēt. Se-
condement, qu'au Gouuernement de Picardie, ne
sera pourueu que de deux Villes, aux Faux bourgs
desquelles ceux de ladite Religion pourrōt auoir
l'exercice d'icelle pour tous les Bailliages, Senes-

chauffées & Gouuernemens qui en dependent: & où il ne seroit iugé à propos del'establir esdites Villes, leur seront baillez deux Bourgs ou Villages commodes. Tiercement, pour la grande estendue de la Seneschauſſée de Prouence & Bailliage de Viennois, Sa Majesté accorde en chacun desdits Bailliages & Seneschauſſées, vn troisiéme lieu, dont le choix & nomination se fera comme dessus, pour y establir l'exercice de ladite Religion, outre les autres lieux où il est déja estably.

VII.

Ce qui est accordé par ledit article pour l'exercice de ladite Religiõ es Bailliages, aura lieu pour les terres qui appartenoient à la feüe Royne Bellemere de sa Majesté, & pour le Bailliage de Beauuiolois.

VIII.

Outre les deux lieux accordez pour l'exercice de ladite Religion, par les articles particuliers de l'an 1577. es Isles de Marennes & d'Oleron, leur en seront donnez deux autres, à la commodité desdits habitans: sçauoir vn pour toutes les Isles de Marennes, & vn autre pour l'Isle d'Oleron.

IX.

Les prouisions octroyées par sa Majesté, pour l'exercice de ladite Religion en la ville de Mets, sortiront leur plein & entier effect.

X.

Sa Majesté veut & entend, que l'article 27. de son Edict, touchant l'admission de ceux de ladite Religion pretenduë reformée aux Offices & dignitez, soit obserué & entretenu selon sa forme & teneur, nonobstant les Edicts & accords cy-

deuant faits pour la reduction d'aucuns Princes, Seigneurs, Gentils-hommes & Villes Catholiques en son obeissance, lesquels n'auront lieu au preiudice de ceux de ladite Religion, qu'en ce qui regarde l'exercice d'icelle : Et sera ledit exercice réglé, selon & ainsi qu'il est porté par les articles qui s'ensuiuent, suiuant lesquels seront dressées les instructions des Commissaires que sa Majesté deputera pour l'exécution de son Edict, selon qu'il est porté par iceluy.

XI.

Suiuant l'Edict fait par sa Majesté pour la reduction du sieur Duc de Guyse, l'exercice de ladite Religion pretenduë reformée, ne pourra estre fait ny estably dans les Villes & Faux-bourgs de Rheims, Recroy, Saint Disier, Guyse, Ioinuille, Fismes, & Montcornet és Ardennes.

XII.

Ne pourra aussi estre fait és autres lieux, és enuiron desdites Villes & Places defenduës par l'Edict de l'an 1577.

XIII.

Et pour oster toute ambiguité qui pourroit naistre sur le mot, és enuiron ; Declare sa Majesté auoir entendu parler des lieux qui sont dans la Banlieuë desdites Villes, esquels lieux l'exercice de ladite Religion ne pourra estre estably, sinon qu'il y fust permis par l'Edict de 1577.

XIV.

Et dautant que par iceluy ledit exercice estoit permis generalemēt és Fiefs possédez par ceux de ladite Religion, sans que ladite Bālieuë en fut ex-

ceptée: Declare sadite Majesté, que la mesme permission aura lieu, mesmes és Fiefs qui seront dedans icelle tenus par ceux de ladite Religion, ainsi qu'il est porté par son Edict donné à Nantes.

X V.

Suiuât aussi l'Edict fait pour la reductiō du sieur Mareschal de la Chastre, en chacun des Bailliages d'Orleans & Bourges, ne sera ordonné qu'un lieu de Bailliage pour l'exercice de ladite Religion, lequel neantmoins pourra estre continué és lieux où il leur est permis de le continuer par ledit Edict de Nantes.

X V I.

La concession de prescher és Fiefs, aura pareillement lieu dans lesdits Bailliages, en la forme portée par ledit Edict de Nantes.

X V I I.

Sera pareillement obserué l'Edict fait pour la reduction du sieur Mareschal de Bois-Dauphin; & ne pourra ledit exercice estre fait és villes, faux-bourgs & places amenées par luy au seruice de sa Majesté: & quāt aux enuirōs ou bālieuē d'icelle, y sera l'Edict de 77. obserué, mesmes és maisōs de Fiefs, ainsi qu'il est porté par ledit Edict de Nantes.

X V I I I.

Ne se fera aucun exercice de ladite Religion és Villes, Faux-bourgs & Chasteau de Morlays, suiuant l'Edict fait sur la reduction de ladite Ville, & sera l'Edict de 77. obserué au ressort d'icelle, mesmes pour les Fiefs, selon l'Edict de Nantes.

X I X.

En consequence de l'Edict pour la reduction de
Quimper.

Quimpercorentin. Ne sera fait aucun exercice de ladite Religion en tout l'Euesché de Cornoaille.

x x.

Suiuant aussi l'Edict fait pour la reduction de Beauuais, l'exercice de ladite Religion ne pourra estre fait en ladite ville de Beauuais, ny trois lieux à la ronde. Pourra neantmoins estre fait & estably au surplus de l'estenduë du Bailliage aux lieux permis par l'Edict de 77. mesmes es maisons des fiefs, ainsi qu'il est porté par ledit Edict de Nantes.

x x i.

Et d'autant que l'Edit fait pour la reduction du feu sieur Admiral de Villars, n'est que prouisionnel & iusqu'à ce que par le Roy en eut autrement esté ordonné, sa Majesté veut & entend, que nonobstant iceluy, son Edict de Nantes ait lieu pour les villes & ressorts amenez à son obeïssance par lesdits sieur Admiral, comme pour les autres lieux de son Royaume.

x x i i.

En suite de l'Edict fait pour la reduction du sieur Duc de Joyeuse, l'exercice de ladite Religion ne pourra estre fait en la ville de Tholose, Fauxbourgs d'icelle, & quatre lieux à la ronde, ny plus pres que sont les villes de Villemur, Carman & l'Isle en Iourdan.

x x i i i.

Ne pourra aussi estre remis es villes Dalet, Fiac, Auriac, & Montesquiou, à la charge toutesfois, que si ausdites villes, aucuns de ladite Religion faisoient instance d'auoir vn lieu pour l'exercice d'icelle, leur sera par les Commissaires que sa Maieité deputera

pour l'exécution de son Edict, ou par les Officiers des lieux assignez pour chacune desdites villes, lieu commode & de seur accez, qui ne sera esloigné desdites villes de plus d'un lieu.

XXIV.

Pourra ledit exercice estre estably, selon & ainsi qu'il est porté par ledit Edict de Nantes, au ressort de la Cour de Parlement de Tholose, excepté toutesfois és Bailliages, Seneschaussées & leurs ressorts dont le siege principal a esté ramené à l'obeissance du Roy par ledit sieur Duc de Loyeuse, auquel l'Edict de 77. aura lieu: entend toutesfois ladite Majesté, que ledit exercice puisse estre continué és endroits desdits Bailliages & Seneschaussées, où il estoit du temps de ladite réduction, & que la Concession d'iceluy és mains des fiefs, ait lieu dans iceux Bailliages & Seneschaussées, selon qu'il est porté par ledit Edict.

XXV.

L'Edict fait pour la réduction de la ville de Dijon sera observé, & suivant iceluy, n'y aura autre exercice de Religion, que de Catholique Apostolique & Romaine en ladite Ville & Faux-bourgs d'icelle, ny quatre lieux à la ronde.

XXVI.

Sera pareillement observé l'Edict fait pour la réduction du sieur Duc de Mayenne, suivant lequel ne pourra l'exercice de ladite Religion prétendue réformée, estre fait és villes de Chaalon, Seure, & Soissons, Bailliages dudit Chaalon, & deux lieux és environs de Soissons, durant le temps de six ans à commencer au mois de Januier an 1596. passé le-

quel temps y sera l'Edict de Nantes obseuë, comme aux autres endroits de ce Royaume.

XXVII.

Sera permis à ceux de ladite Religion de quelque qualité qu'ils soient d'habiter, aller & venir librement en la ville de Lyon & aux autres villes & places du Gouvernement de Lyonois, nonobstant toutes defences faites au contraires par les Scindies & Escheuins de ladite ville de Lyon, & confirmées par sa Majesté.

XXVIII.

Ne sera ordonné qu'un lieu du Baillage pour l'exercice de ladite Religion en toute la Seneschaussée de Poictiers, outre ceux où il est à présent estably, & quant aux fiefs sera suivy l'Edict de Nantes. Sera aussi ledit exercice continué dans la ville de Chauigny: Ne pourra ledit exercice estre restably dans les villes Dagen, & Perigueux, encores que par l'Edict de 77. il y pent estre.

XXIX.

N'y aura que deux lieux de Bailliages pour l'exercice de ladite Religion en tout le Gouuernement de Picardie, comme il a esté dit cy-dessus, & ne pourront lesdits deux lieux estre donnez dans les ressorts des Bailliages & Gouuernemens reservez par les Edits faits sur la reduction d'Amiens, Peronne, & Abbeuille: Pourra toutesfois ledit exercice estre fait es maisons de fiefs, par tout le Gouuernement de Picardie, selon & ainsi qu'il est porté par ledit Edict de Nantes.

XXX.

Ne sera fait aucun exercice de ladite Religion en

la Ville & Faux-bourgs de Sens, & ne sera ordonné qu'un lieu de Bailliage pour ledit exercice en tout le ressort du Bailliage, sans preiudice toutesfois de la permission accordée par les maisons de fiefs, laquelle aura lieu selon l'Edict de Nantes.

xxxix.

Ne pourra semblablement estre fait ledit exercice en la Ville & Faux-bourgs de Nantes, & ne sera ordonné aucun lieu de Bailliage pour ledit exercice à trois lieues à la ronde de ladite Ville, pourra toutesfois estre fait és maisons de fiefs suiuant iceluy Edict de Nantes.

xxxix.

Veut & entend sadite Majesté que sondit Edict de Nantes soit obserué dès à present, en ce qui concerne l'exercice de ladite Religio, és lieux où par les Edicts & accorts faits pour la reduction d'aucuns Princes, Seigneurs, Gentils-hommes & Villes Catholiques, il estoit inhibé par prouision tant seulement & iusques à ce qu'autrement fût ordonné. Et quant à ceux où ladite prohibition est limitée à certain temps, passé ledit temps, elle n'aura plus de lieu.

xxxiii.

Sera baillé à ceux de ladite Religion vn lieu pour la Ville, Preuosté & Vicomté de Paris, à cinq lieues pour le plus de ladite Ville, auquel ils pourront faire l'exercice public d'icelle.

xxxiv.

En tous les lieux où l'exercice de ladite Religion se fera publiquement, on pourra assembler le peuple, mesme à son de cloches, & faire tous actes &

fonctions appartenans tant à l'exercice de ladite Religion, qu'au reglement de la discipline, comme tenir Consistoires, Colloques, & Synodes Prouvinciaux & nationnaux par la permission de sa Majesté.

XXXV.

Les Ministres anciens & Diacres de ladite Religion ne pourront estre contrainsts de respondre en Iustice en qualité de tesmoins pour les choses qui auront esté reuelées en leurs Consistoires, lors qu'il s'agit de censures, sinon que ce fut pour chose concernant la personne du Roy, ou la conseruation de son Estat.

XXXVI.

Sera loisible à ceux de ladite Religion qui demeurent és champs, d'aller à l'exercice d'icelles és villes & faux-bourgs & autres lieux où il sera publiquement estably.

XXXVII.

Ne pourront ceux de ladite Religion tenir escholes publiques, sinon és villes & lieux où l'exercice public d'icelle leur est permis, & les prouisions qui leur ont esté cy-deuant accordées pour l'erection & entretenement des Colleges, seront verifiées où besoin sera, & sortiront leur plein & entier effect.

XX XVIII.

Sera loisible aux peres faisans profession de ladite Religion de pouruoir à leurs enfans de tels éducateurs que bon leur semblera, & en substituer vn ou plusieurs par testament, codicille ou autre declaration passée par deuant Notaires, ou escrite & si-

gnée de leurs mains, demeurans les loix receuës en ce Royaume, ordonnances & coustumes des lieux en leur force & vertu pour les dations & prouisions de tuteurs & curateurs.

XXXIX.

• Pour le regard des mariages des Prestres & personnes Religieuses qui ont esté cy-deuant contractez, sadite Maiesté ne veut ny entend pour plusieurs bonnes considerations, qu'ils en soient recherchez ny molestez, & sera sur ce imposé silence à ses Procureurs generaux, & autres officiers d'icelle. Declare neantmoins sadite Maiesté qu'elle entend que les enfans yssus desdits mariages pourront succeder seulement és meubles, acquests & conquests immeubles de leurs peres & meres, & au defect desdits enfans, les parens plus proches & habiles à succeder, & les testamens, donations & autres dispositions faites ou a faire par personnes de ladite qualité, desdits biens, meubles, acquests, & conquests immeubles, sont déclarées bonnes & valables : Ne veut toutesfois sadite Maiesté que lesdits Religieux & Religieuses, profez, puissent venir à aucune succession directe ny collaterale, ains seulement pourront prendre les biens qui leur ont esté ou seront laissez par testament, donations, ou autres dispositions, excepté toutesfois ceux desdites successions directes & collaterales, & quant à ceux qui auront fait profession auant l'aage porté par les ordonnances d'Orleans & Blois, sera suiuiue & obseruée en ce qui regarde lesdites successions, la teneur desdites ordonnances, chacune pour le temps qu'elles ont eu lieu.

Sadite Maiefté ne veut auffi que ceux de ladite Religion, qui auront cy-deuant contracté ou contracteront cy-apres mariages au tiers & quart degré en puiſſent eſtre moleſtez, ny la validité deſdits mariages reuoquée en doute, ne pareillement la ſucceſſion oſtee ny querelée aux enfans, naiz ou a naiſtre d'iceux: & quant aux mariages qui pourroient eſtre ja contractez en ſecond degré ou du ſecond au tiers entre ceux de ladite Religion, ſe retirans deuers ſadite Maieſté, ceux qui ſeront de ladite qualité & auront contracté mariage en tel degré, leur ſeront baillées telles prouiſions qui leur ſeront neceſſaires, afin qu'ils n'en ſoient recherchez ny moleſtez, ny la ſucceſſion querelée ny debatue à leurs enfans.

XLI.

Pour iuger de la validité des mariages faits & contractez par ceux de ladite Religion, & décider s'ils ſont licites, ſi celui de ladite Religion eſt defendeur, en ce cas le Iuge Royal connoiſtra du fait du dit mariage, & où il ſeroit demandeur & le defendeur Catholique, la connoiſſance en appartiendra à l'official & Iuge Eccleſiaſtique, & les deux parties ſont de ladite Religion, la connoiſſance appartiendra aux Iuges Royaux: voulant ſadite Maieſté que pour le regard deſdits mariages & differends qui ſuruiendront pour iceux, les Iuges Eccleſiaſtiques & Royaux, enſemble les Chambres eſtablies par ſon Edict, en connoiſſent reſpectiuement.

XLII.

Les donations & legats faits & à faire, ſoit par

disposition de dernière volonté à cause de mort, ou entre vifs, pour l'entretienement des Ministres, Docteurs, escholiers & pauvres de ladite Religion pretendüe reformee, & autres causes pies, seront valables, & sortiront leur plain & entier effect, nonobstant tous Iugemens, Arrests & autres choses à ce contraires, sans preiudice toutesfois des droicts de sa Maïesté & l'autrui, en cas que lesdits legats & donations tombent en main morte: & pourront toutes actions & poursuites necessaires pour la iouissance desdits legats, causes pies, & autres droits, tant en iugemens que dehors, estre faites par Procureur sous le nom du corps & communauté de ceux de ladite Religion qui aura interest, & s'il se trouue qu'il ait esté cy-deuant disposé desdites donations & legats autrement qu'il n'est porté par ledit article, ne s'en pourra pretendre aucune restitution que ce qui se trouuera en nature.

XLIII.

Permet sadite Maïesté à ceux de ladite Religion eux assembler pardeuant le Iuge Royal & par son autorité egaler & leuer sur eux telle somme de deniers qu'il sera arbitré est necessaire pour estre employez pour les frais de leurs Synodes & entretenemens de ceux qui ont charges pour l'exercice de leur dite Religion, dont on baillera l'estat audit Iuge Royal, pour iceluy garder, la coppie duquel estat sera enuoyee par ledit Iuge Royal de six en six mois à sadite Maïesté ou à son Chancelier, & seront les taxes & impositions desdits deniers executoires, nonobstant oppositions ou appellations quelconques.

XLIV.

XLIV.

Les Ministres de ladite Religion seront exempts des gardes & rondes, & logis de gens de guerre, & autres assiettes & cuillettes de Tailles, ensemble des tutelles, curatelles & commissions pour la garde des biens saisis par autorité de Justice.

XLV.

Pour les enterremens de ceux de ladite religion, faits par cy devant aux Cimetieres desdits Catholiques, en quelque lieu ou ville que ce soit, n'entend sa dite Majesté, qu'il en soit fait aucune recherche, innouation ou poursuite, & sera enjoint à ses Officiers d'y tenir la main. Pour le regard de la ville de Paris, outre les deux Cimetieres que ceux de ladite Religion y ont presentement: à sçavoir celuy de la Trinité & celuy de saint Germain, leur sera baillé vn troisieme lieu commode pour lesdites sepultures aux Faux-bourgs saint Honoré ou saint Denys.

XLVI.

Les Presidens & Conseillers Catholiques qui serviront en la Chambre ordonnée au Parlement de Paris, seront choisis par sa Majesté sur le tableau des officiers du Parlement.

XLVII.

Les Conseillers de ladite Religion pretendue reformée qui serviront en ladite chambre assisteront si bon leur semble es procez qui se vuideront par Commissaires, & y auront voix deliberative, sans qu'ils aient part aux deniers conignez, sinon lors que par l'ordre & prerogative de leur reception, ils y devront assister.

XLVIII

Le plus ancien President des chambres my-parties presidera en l'audience, & en son absence le second, & se fera la distribution des procez par les deux Presidens conioinctement ou alternativement par mois ou par sepmaine.

XLIX

Aduenant vacation des offices, dont ceux de ladite Religion sont ou seront pourueuz ausdites Chambres de l'Edict, y sera pourueu de personnes capables, qui auront attestation du Synode ou Colloque dont ils seront, qu'ils sont de ladite Religion & gens de bien.

L.

L'abolition accordée à ceux de ladite Religion pretendue reformée par le 74. article dudit Edict aura lieu pour la prinse de tous deniers Royaux, soit par ruptures de coffres ou autrement, mesmes pour le regard de ceux qui se leuoient sur la riuere de Charente, Ores qu'ils eussent esté affectez & assignez à des particuliers.

LI.

L'article 49. des articles secrets fait en l'année 1577. touchant la ville & Archeuesché d'Auignon & Comté de Venise, ensemble le traicté fait à Nismes, seront obseruez selon leur forme & teneur, & ne seront aucunes lettres de marque en vertu desdits articles & traitez, données que par lettres patentes du Roy sceillées de son grand sceau. Pourront neantmoins ceux qui les voudront obtenir se pouruoir en vertu du present article, & sans autre commission, par deuant les Iuges Royaux, lesquels in-

formeront des contrauentions, deny de Iustice, & iniquité des iugemens, proposée par ceux qui désireront obtenir lescdites lettres, & les enuoiront avec leur aduis clos & seellés à sa Majesté pour en estre ordonné comme elle verra estre à faire par raison.

LII,

Sa Majesté accorde & veut que maistre Nicolas Grimoul, soit restably & maintenu au tiltre & possession des offices de Lieutenant General Ciuil ancien, & de Lieutenant General Criminel, au Bailliage d'Alençon, nonobstant la resignation par lui faite à maistre Iean Marguerit, reception d'iceluy, & la prouision obtenue par maistre Guillaume Bernard de l'Office de Lieutenant General Ciuil & Criminel au siege d'Exmes, & les Arrests donnez contre ledit Marguerit resignataite durant les troubles au Conseil priué és années 1586. 1587. & 1588. par lesquels maistre Nicolas Barbier est maintenu és droicts & prerogatiues de Lieutenant General anciē audit Bailliage, & ledit Bernard audit office de Lieutenant à Exmes, lesquels sa Majesté a cassez & annullez & tous autres, a ce contraires: Et outre sadite Majesté pour certaines bonnes considerations a accordé & ordonné que ledit Grimoul remboursa dedans trois mois ledit Barbier de la finance qu'il a fournie aux parties casuelles pour l'Office de Lieutenant General, Ciuil & Criminel en la Vicomté d'Alençon, & de cinquāte escus pour les frais: commettant à ceste fin le Bailly du Perche ou son Lieutenant à Mortagne. Et le aemboursment fait, ou bien que ledit Barbier soit refusant ou dilayant de le receuoir, sadite Ma-

jesté a defendu audit Barbier, comme aussi audit Bernard apres la signification du present article, de plus s'ingerer en l'exercice desdits Offices, à peine de crime de faux, & enuoie iceluy Grimoult en la iouissance d'iceux Offices & droitz y appartenans, & en ce faisant les procez qui estoient pendans au Conseil priué de sa Majesté, entre lesdits Grimoult, Barbier & Bernard demeureront terminez & assoupis, defendant sadite Majesté aux parlemens & tous autres d'en prendre cognoissance, & ausdites parties d'en faire poursuite. En outre sadite Majesté s'est chargée de rembourser ledit Bernard de mil escus fournis aux parties casuelles pour iceluy Office, & de soixante escus pour le marc d'or & frais: ayant pour cet effect presentement ordonné bonne & suffisante assignation, le recouurement de laquelle se fera à la diligence & frais dudit Grimoult.

LIII.

Sadite Majesté escrira à ses Ambassadeurs de faire instance & poursuite pour tous ses sujets, mesmes pour ceux de ladite Religion pretendue reformée, à ce qu'ils ne soient recherchez en leurs consciences, ny sujets à l'Inquisition, allans, venans, seiournans, negotians & traficquans par tous les pays estrangers allies & confederez de ceste couronne, pourueu qu'ils n'offensent la police des païs où ils seront.

LIV.

Ne veut sa Majesté qu'il soit fait aucune recherche de la perception des impositions qui ont esté leuées à Royan, en vertu du cōtract fait avec le sieur

de Candelay, & autres faits en continuation d'icelui, validant & approuuant ledit contract pour le temps qu'il a eu lieu en tout son contenu, iusques au dixhuitiesme iour de May prochain.

LV.


Les excez aduenus en la personne d'Armand Courtines dans la ville de Millant en l'an 1587. & de Iean Reynes & Pierre Seigneuret, ensemble les procedures faites contre eux par les Consuls dudit Millant, demeurent abolies & assoupies par le benefice de l'Edict, sans qu'il soit loisible à leurs vesues & heritiers, ny aux procureurs generaux de sa Majesté, leurs substituts ou autres personnes quelsconques d'en faire mention, recherche, ny poursuite, nonobstant & sans auoir égard à l'Arrest donné en la Chambre de Castres le dixiesme iour de Mars dernier, lequel demeurera nul & sans effect, ensemble toutes informations & procedures faites de part & d'autre.

LVI.

Toutes poursuittes, procedutes, Sentences, Iugemens & Arrests, donnez tant contre le feu sieur de la Nouë, que contre le sieur Odet de la Nouë son fils depuis leurs detentions & prisons en Flandre aduenues és mois de May 1580. & de Novembre 1584. & pendant leur continuelle occupation au fait des guerres & seruice de sa Majesté demeureront cassez & annullez, & tout ce qui est ensuiuy en consequence d'iceux, & seront lesdits de la Nouë receus en leurs defenses, & remis en tel estat qu'ils estoient auparauant lesdits Iugemens & Arrests, sans qu'ils soient tenus refonder les despens

ny conſigner les amendes, ſi aucunes ils auoient encouru, ny qu'on puiſſe alleguer contre eux aucune peremption d'inſtance ou preſcription pendant ledit temps.

Fait par le Roy eſtant en ſon Conſeil à Nantes, le deuxieſme iour de May mil cinq cens quatre vingts dixhuiſt. Signé, H E N R Y. Et plus bas, FORGET. Et ſcellées du grand ſéau de cire iaune.



H E N R Y par la grace de Dieu, Roy de France & de Nauarre, A nos amez & feaus les gens tenans noſtre Cour de Parlement à Paris, Salut. Nous auons au mois d'Auril dernier, faiſt expedier nos lettres d'Edict pour l'eſtabliſſement d'un bon ordre & repos entre nos ſubjects Catholiques & ceux de ladite Religion pretendue reformée: Et outre ce nous auons accordé auſdits de ladite Religion, certains articles ſecrets & particuliers, que nous voulons auoir pareille force & vertu, & eſtre obſeruez & accomplis tout ainſi que noſtre Edict. A ces cauſes, nous voulons, vous mandons, & tres-expreſſement commandons par ces preſentes, que leſdits articles ſignez de noſtre main, cy attachez ſouz le contre-ſéel de noſtre Chancellerie, vous faiſtes regiltrer és regîtres de noſtre dite Cour, & le contenu en iceux garder, entretenir, & obſeruer de point en point, tout de meſme que celui de noſtre dit Edict: Ceſſans & faiſant ceſſer tous troubles & empeschemens au contraire. Car tel eſt noſtre

plaisir. ²³ Donné à Nantes le deuxiesme iour de
May, l'an de grace mil cinq cens nonante-huict.
Et de nostre regne le neufiesme. signé, Par le
Roy, Forget. Et scellé sur simple queue de cire
jaulne.

